

二經同卷

獸八

三慧經

阿毗曇五法行經

三慧經

僧祐錄安公涼土異經今附北涼錄

佛常欲得三人一者信二者問三者行或有人但信不喜已作為信不欲行為喜有三云一者不布施二者不行戒三者不定意當滅思想乃得道要在不念已滅思想色亦滅識亦滅心有所念是為四所有對是為想當有想當無想不羅想當離不生想還就不出想當有想者謂道想當無想者謂無色想不離想者謂不離經行想當離想者當離生死想不出想謂無道想不出十二門還就者謂人生死便不得脫

身譬如地善意如未惡意如草不去草穢禾實不成人不去惡意亦不得道人有瞋恚是為地生蒺藜善意如電來即明去便復冥邪

念如雲覆日時不見已惡意起不見道學者有苦不學者無有苦學者有苦譬如人田種當先犁去草穢便多得收是為先苦不學者無有苦者譬如地不犁續自生蒺藜惡物是為不學無有苦

行道第一可禁苦第二可禁樂三者不可禁苦四者不可禁樂能樂得樂便行道能苦得苦便行道

有人行道得苦便畏生死能行道如是不可與樂

有人得樂能行道意不苦如是不可與苦

有人得樂能行道得苦亦能行道如是可與樂不可與苦

有人得苦不能行道得樂亦不能行道如是當與苦不可與樂

都有四求一者用身故求二者用願故求三者用癡故求四者用行故求人欲保身長壽是為身求欲得家貴妻子珍寶是為願求祠

祀鎮厭欲從得福是為廣求所行非法欲家
安隱得道是為行求

人有三不可保一者喜意二者財寶三者人
命身亦可念亦不可念計身諸惡露是為可
念意墮五樂是不可念

善亦可念亦不可念謂得道意是可念不可

獸八

二

念者謂以得道意當轉增上惡亦可念亦不
可念有過自悔是可念意起墮惡是不可捨
念正念邪是為惑不別是非是為癡惡有二
事一為本二為利所作行是為本受行福是
為利除是便得道

貪護謂已得復貪念色為貪上為非一意滅
故護貪為得道貪護為墮生死已得復護故
為貪護

樂食者謂歡喜飽念食者謂念三十七品經
便飽識食者謂樂法已隨痛痒為裁求後復
念為識求

一切世俗事皆屬身一切名字皆屬意一切

不犯皆屬戒除是無所有為道一法復壞道
行謂不精進一法壞人謂慳貪

外惡因緣來向人不受為忍自身作惡不出
為辱已過去莫復念未來亦莫待

今見在當斷非人所有莫得憂一切有意皆
為結

有善意亦忘有惡意亦忘復用三因緣故一
者不習念二者不數念三者不著意倒是三
事不復忘

從有可得無有不可得有是謂三十七品經
意生死意生死無有數所以覺者種忘故本
意欲坐行道十日不能竟十日前世福薄故

獸八

三

多福者欲十日坐行便得身不欲行用劣瘦
極故意不欲行不念死敗苦空故智慧有四
相一者聞善語便不轉二者已聽便受著意
三者已失常思惟念四者意已思惟念復重
問欲知其意倒是少慧

有五百人行道得定意恐復失之因取人令

殺人報言殺道人令我得重罪道人言如人有怨家欲殺之不是身為是我怨家汝為我殺佛言當殺意勿殺身

有道人得定意時野火燒之衣不燃人見之謂是鬼便斫之刀斫不入用心一故不燒柔軟故不入

有道人得定意弟子呼之飯不覺因前牽臂臂伸丈餘弟子大恐因取結之意結不可復取解之師禪覺苦臂痛問弟子白如是師言汝不解者誤折我臂人得定意柔軟如綿在母腹中亦尔

有三因緣覺人無所知一者問不如對二者不能問三者不能語

取要經要譬喻說人逢大水但當取珍寶去人在世間但當取善意去人所念不得道何以故不念道因緣有道人緣能得道謂六波羅蜜安般守意三十七品經是為道因緣

有五因緣可信一者信佛二者信法三者信戒四者信經五者信善知識信是五事得道語有四法一者直語二者分別語三者問語四者止語直語者有黠人墮道得因緣直說分別語者為所以所受不諦當分別本末重語說問語者人自意為是墮因緣問之即自

知止語者佛所不說亦不說

有四因緣問一者一切問二者分別問三者問問四者止問一切世間非常苦空行道得安隱已說是為應語是為一切問若人來問眼事莫持耳往報是為分別問若人持白物來言是黑物因持黑物問之見為何等是為

默八

四

問問若人來問道何類因報寒何等類若問意何等類因報風何等類若問無為何等類因報空何等類是止問

有四顛倒一者非常人意已為常二者已苦人謂樂三者萬物皆空人謂為實四者非身貪已為有身人墮顛倒如是非常計常以苦

為樂以空為實非身已作身人如是意便得道

人意隨四顛倒故計是為我身諦按計身中無所有已無所有便墮空已墮空便為無身已無身便墮無為

人有四癡常著四顛倒一者萬物非常自以為常二者天下皆苦人恃作樂三者天下空人以為有四者身非身不可保人以為身五者月始生時拜六者十五日盛明時及踞視之七者女小時從人抱八者女大不可得見有四貴亦有四賤一者道貴人賤二者珍寶貴人賤三者官位貴人賤四者黠貴賤賤

阿難言人得善知識為得佛半佛言人得善知識為得佛道善知識難得何謂為道德信為道制身口意為德人當有三知識一者富家二者事貴三者事大尊者以布施是為富家以持戒為事貴者守意念道為是事大尊者有內治生外治生索錢財諸珍寶是為外

賤

五

治生守意念道是為內治生人不能自伏意反欲伏他人意能自伏意他人意悉可伏有內力有外力有內色有外色有內識有外識能制惡意是為內力力能有所作舉重瞋恚是為外力痛痒思想生死識是為內色地水火風空是為外色意念為內識眼見為外識有四事大難一者與得道人共會大難謂十二賢者二者聞經入心難謂在八難處三者如本觀難謂墮四顛四者如法行難謂不能持戒

有五事求道大難一者年老二者疾病三者縣官四者盜賊五者飢渴是為五事求道大難

有五事難一者值佛世難二者聞經難三者得善師難四者得善人難五者得作人難有五難一者貧能布施難二者豪貴能忍辱者難三者有事對吏不欺者難四者與端正女人同床意不亂者難五者制人命不得傷

害者難

有七難一者受經能問難二者聞經解意難三者與多智人對話能自解難四者自教復能教人者難五者自安隱亦令人安隱難六者已自定意亦令人定意難七者常不離法至得佛道難

有十八事人於世間甚大難一者值佛世難二者正使值佛成就得為人難三者正使成得為人在中國生難四者正使在中國種姓家難五者正使在種姓家四肢六情完具難六者正使四肢六情完具有財產難七者正使得財產得善知識難八者正使得善知識智慧難九者正使智慧謹慎心難十者正使謹慎心能布施難十一者正使能布施欲得賢善有德人難十二者王使得賢善有德人往至其所難十三者正使往至其所得宜適難十四者正使得宜適聽問難十五者正使受聽問說忠正難十六者正使忠正解智慧

六

六

難十七者正使得解智慧能受深經難十八者正使能解深經復重難是為十八事人於世間大難

有八處人佛無那何一者瘖人二者聾人三者地獄中人四者餓鬼中人五者畜生中人六者邊地不知法義七者長生二十八天上八者受不精進行是為八處人佛無那何況有五百人自說言我善佛言汝審善當隨我後人言諾佛便行入火中五百人皆止住無敢隨者言善人至難得有人問佛佛教人作善何等益佛言天下人惱我故教之耳

人復言人有心當恣之佛言坐天下人恣心故我止住百劫乃得佛道道有七事一者意喜布施不欲餘二者但欲聞三者但信四者但持戒五者但欲行六者欲學慧七者但欲脫去佛在出世時得脫轉後世但學慧復轉後世但

欲行復轉後世但持戒復轉後世但信復轉後世但欲聞復轉後世但欲布施不但布施當復聞不但聞當復信不但信當復持戒不但持戒當復行不但行當復慧不但慧當復脫去是七事當并行

有五叢殘世一者上世人長壽今世人短壽

或八

七

二者上世人端正挑花色今世人醜惡三者上世人多得道今世人不能得四者上世人博達通知經要今世人不能通知五者上世人安隱今世人多疾瘦是為五叢殘世有長壽者道人大富財產無數好作布施有人言卿作布施大多道人報言我從佛聞人

在世間往來生死其日不可數令我所有布施尚不能日用一錢何以為多佛說人得一切天下珍寶不如聞佛一言何以故徒多財產不能離世間故

山中揭鳥尾有長毛毛有所著便不敢復去愛之恐被羅為獵者所得身為分散而為一

毛故人散意念財產財產不得脫苦用貪姪故人治生譬如蜂作蜜採取眾華勤苦積日已成人便竊取持去亦不得自食適自疲極人東走西走求作是合聚財寶勤苦不可言已命盡他人得其財身反得重罪受苦不可量人在世間譬乘泥舡渡河當浮渡舡且

壞人身如泥舡不可久當疾行道

金有四試一者燒二者磨石三者鍛四者鍊譬喻人亦有四試一者燒二者共從事三者色四為制不止

欲得人相有四因緣一者與共居二者共居當久三者當共語言四者共可以知之

有四因緣知為道人一者聞惡亂意即時轉念二者不說人惡三者自不墮論議四者能自護如是知為道人自護

今世四因緣乃受福一者有處二者有時三者業四者師人有所止得安隱如意是為處如人年三十當富十五時求不可得至三十

乃得是為時若人宜買白珠亦餘物從得利
是為業遺得明人分別說經心即開解是為
師有兄弟三人各自謂高捷無輩共更持夜
二兄居前卧小弟便獨坐有一蟲名為不吉
來噬其髀弟便以手指之蟲便長大復捶益
大其人嗔恚取蟲蹴蹋自致疲極虫益大不

止其人便止休一夜已竟便呼仲兄起虫復
噬之兄復如小弟與共聞蟲更長大至屋如
是疲極復止休二夜竟便呼大兄起坐虫復
噬之大兄便持手指摩娑虫復起兄生意以
卷覆之須臾極虫便出卷去至明日二弟極
不能復起兄知二弟與虫共鬪便問何以不

起二弟慚不敢語兄言與虫共鬪剔耶弟言
然兄語弟言後儻有不吉虫來但以卷覆之
不當指也譬喻如癡人得對便瞋恚從得罪
如弟與虫鬪自致疲剔黠人見對來便避之
是得福譬如卷覆不吉虫去
昔有道人為國王說經王言佛在世多人得

道今同說佛經人不得道佛為持道法去耶
道人言譬天下極美不過蒲桃酒飲一升便
可醉持一升水饒一升酒中飲之不能復醉
佛在世時說經知人意態譬如人飲一升酒
便得醉今我輩不知是佛說經知人意態應
病與藥故人多得道

有國王飯諸比丘天來指示王言是人得阿
羅漢是人得菩薩是人得道迹是人持戒
王悉覺知持心正等無有異意諸天代其歡
喜有國王與人共爭高價浴佛王輒舉高價
不止人言今我悉持所有財物妻子自身為
奴婢以浴佛王便不得

阿育王作八萬塔臨死欲絕時菩薩阿羅漢
有五百人共守護更為說經不使諸夫人得
近與相見欲令王上天故
有小國王常起征伐大國王思惟言亡身得
惡皆從貪愛故我不如以國與之大國王捨
國去作白衣在他國久後歸故國有人白言

王便勅左右往捕取殺之臨當死時呼其子
囑一言慎勿忘也汝勿念怨家惡當慈心
有國王治行不平侵枉人民受取非法天爲
雨不時節有女人言天雨不時節王治行不
平正故王已聞知便呼女人令請兩以三器
著地女人願令兩墮中央器中復令從一頭
起則如其願王問何因緣得是女人白言我
至誠故佛言有地乃有萬物人有至誠乃有
道有國王出行見一女人端正無比王意欲
殺其夫取是女人傍臣言不當殺當享之國
王享其夫以金指環與之語言志環者殺汝
王私呼婦令盜取環已後王呼問其夫環所
在夫求不知處便勅臣殺之令美飲食夫恐
不敢食人言卿當死何不食夫適欲噉魚因
於魚腹中得環是至誠所致
有道人貧窮舉十萬錢用治生便先持三萬
布施持餘錢行賈途中爲賊所抄王便以珍
寶物句與之有大囊小囊餘人各取大囊去

道人自念言我錢少不宜取大囊便取小囊
去其中悉有白珠賣得六千萬用至誠不貪
故得是珍寶

昔有國王徵國中諸盲人令於象厩中觀象
中有持象足者中有持象鼻者中有持象耳
者中有持象尾者去後共相問象何等類持

象足者言象大如柱持象鼻者言象如繩索
持象耳者言象如歎其持象尾者言象如大
簾皆共諍之盲人各自信其意譬如人各見
少所經不達具法自謂大解亦如是

有國王於城外大作伎樂戲舉國中人民皆
出行觀城中有一家其父有疾不能行步家

獸八

十

室共扶將令行言出城便止樹下不能自致
語家中言汝自行觀來還乃持我歸時天帝
釋化作一道人過其邊便呼病人汝隨我去
我能令汝病愈人聞之大喜便起隨行釋將
上天至宮見金銀好物甚衆多欲從求之人
言勿得可求句瓶病人因前到釋所言我欲

去願持此瓶曰我釋即與之語病人言中有物在汝所願病人持歸室家相對探之轉得心中所願金銀珍寶恣意皆得大會宗親諸家內外共相娛樂醉飽已後因取瓶跳之我受汝息令我富饒跳踢不止便墮地破之所求不復得

世間有黠人多無數未有如弥勒者弥勒尚復行學不欺何況餘乎佛已得道坐行安般守意佛言我從無數世以來學不欺乃得佛後世人學當那得佛道

以持戒不復作惡有不信意故復化戒便墮地獄閻王問之便對言我不作惡閻王復問

汝不作惡何為是中

有尊者為賊人所折辱有人言何以不殺之尊者言我人客未具故人復言我為知屈人客尊者言不也我兵今自具如是二十餘歲殺賊人彼病死人復言卿不殺之今天自死尊者言我兵馬已具何故癡人當入地獄是

數

士

為兵馬具

問曰何等為能知一萬事畢報曰一者謂無意無念萬事自畢意有百念萬事皆失有道人夜行前未得道人隨其後後人有疑悔前人舉手五指頭出火復以鑰開戶後人乃覺悟知為道人

說經有六裘有人言七裘屋舍裘獨非裘耶佛謂人言我復饒汝一裘癡為大裘何以故人說身事反說屋舍是為癡

有人墮海中有人教食水盡可得步出人言我已飲後水復來世俗如是前後相趣不可極

人欲相見有四緣一者其人端正故二者宿命相愛三者名聞四者欲聞深經安為知是隱為自藏自藏者不見惡態

世間凡有千八道佛一切已知前世皆已學從是不得道故索知問人語時聲先生耶意先生乎報意先生何

以意覺聲聲不能覺意故
有人持珠度海失亡其珠人便持木斗鬲水
棄岸上海神言汝當何時盡是水人言生死
棄之不置海神知其意出珠還之

三慧經

阿毗曇五法行經

安息三藏安世高譯

苦法點可苦法點習法點可習法點盡法點
可盡法點道法點可道法點苦法者謂形體
萬物皆當衰老死亡是為苦癡人謂可常保
持是為樂點可知是為苦便不復向生死是
為苦法點可習法者謂習欲習得習姓習怒
習癡習好習羨點可者如是為習從習得盡
便不欲是為習法點可盡法者謂人物會當
消散滅盡便得亦不喜失亦不憂是為盡法
點可道法者行道得道作善上天作惡入惡
道點可者知去惡就善是為道法點可點者

巽

十二

覺可者知本不知是為苦苦為一意知為苦
是為二意習為一意知為習是為一意盡為
一意知為盡是為二意道為一意知為道是
為二意此八意在外

非常苦空非身本習生因緣盡止如意惡道
處受觀盡苦空非身何緣得盡盡從苦來從

苦得盡因盡便得空得空便知非我身是四
意為隨苦諦何等為苦一切在生死皆為苦
會欲亦不欲會欲謂人諸所欲得亦不欲謂
人意諸所不欲是皆為苦貪從習出隨非常
意求滅苦從習得何等為法謂因緣作是得
是是為法當為識已識為却意當為斷從四
諦中苦諦習諦為證有道見苦知從集起見
集知苦見盡諦知非常

何等為可謂喜道不忘道常求道以道為可
何等為點常問道為點已問能受能行是為
點集亦如是盡滅亦如是道亦如是
苦為罪法為行結點為三十七品經可為行